

Geraci Siculo

“PARTI ‘A SIMANA”

GIOVEDÌ SANTO

**1. l’orazioni e’ ditta a ‘ntinzioni nostra
diciennu ‘vimmaria e un patri nùostru.**

(oppure)

**2. l’orazioni e’ ditta ccu devozioni
diciennu un credu a la so passioni.**

TESTAMENTO

cristu a n’ura di notti ìa trasìennu

facìa la cen’ a giuda a misi ranni

e mentri cristu la cena facìa

lu tradimèntu si ìa priparannu

e gesu’ cristu ca tuttu sapìa

ca la so morti si ìa avvicinannu.

a li du uri i pìedi ci lavaru

a li tri uri ca lu pridicaru

a li quattr’uri lu comunicaru

a li cinc’uri all’ùortu lu purtaru

a li se’uri n’angilu calau

lu calici e la cruci ci scinnìu

a li sett’uri la trumma sunau

e cristu a li so mani s’arrinnìu

a li ott’uri eppi schiaffi senza pietati

a li nov’uri fu di tutti malu trattatu

a li deci’uri di biancu fu vistutu

ppi èssiri du populu burlatu

all’ùnnici’uri fu misu ‘ncarzaratu

a dudici’uri ‘n casa di pilatu



**a tridici'uri a la culonna fu battutu
spini pungenti cùom'un malu fatturi**

fu curunatu a li quattordici'uri
di russu fu vistutu a quinnici'uri

**a sidici'uri menzu strepiti e farisei
diciassett'uri si mossi un gran terruri**

a diciassett'uri si mossi un gran terruri
diciennu "crucifissu" li giudei

**a li diciott'uri lu misiru 'ncruci
diciannov'uri parràu a so matri duci**

a li vint'uri prigau a so patri duci
ca pirdunassi a tutti li nnemici

acqua a vintun'uri dumannàu

eppi feli e acitu e trapassàu

a li vintidu uri ci tiraru
c'una lància lu piëttu ci rapìeru

so matri caddi 'nterra e riplicau

diciennu "mùortu iè lu figghiu mia"

a li vintitriuri lu pigghiaru
li vrazza di so matri lu scinnìeru

a li vintiquattr'uri lu calaru

santu sepolcru lu corpu di diu.

la morti di cristu vuliti sapiri
supra u lignu di cruci trapindenti

santa cruciddra lèvati n'matinu

la matri santa si misi 'ncaminu

ppi strada san giuannu ci 'ncuntrau:
"c'aviti matri mia ca iti chianciennu?"

"o figghiu aiu ragiuni di chiancìri

ca persi a chiddru dio ca m'ha creatu"

"o matri 'ncasa di pilatu aviti agghiri
ca l'anu li giudei 'ncatenatu".

e tuppi tuppi "cu iè derra ssa porta?"

"sugnu lu cori afflittu di to matri"



“o matri un vi pùozzu vèniri a grapìri
 ca m’anu li giudei ‘ncatenatu
va iti nni lu mastru ppi li chiova
vi nni faciti fari un paru ppi mia

ne tantu grùossi ne tantu pisanti
 c’ana passari sti carnuzzi santi”

e rispunnìeru li malifattura:

“grùossi e pisanti li sapimu fari”.

maria sintiennu diri sti paroli
 scura’ lu cielu, la terra e lu mari

e ‘gghiamu a lu rusàriu ca sona
iàmuci tutti e un ristati nuddru

e ‘gghiamu ni maria la stiddra sirena
 ci presentamu chista santa cruna.

veni lu venneru e un guard’o me figghiu
si possa ardìri cuomu ardi l’ùogghiu.

di luni si cumìncia u primu chiantu
 e poi si chianci tutta la simana,

lu marti c’è lu pàssiu cantatu

lu mìercuru è la santa quarantana

lu iòovu che a gesuzzu lu pigghiaru
 lu venneru è di lignu la campana

lu sabatu maria sparmàu lu mantu
duminica gesuzzu ‘ncielu acchiana.

A SIMANA SANTA

accuminciannu di lu santu luni
 ca si fa festa benign’e murtali

l’armuzzi santi stannu ‘ngunucchiuni
prigannu a latu dio ginistriali
 e ccu lu prega ccu perfettu amuri
 paura unn’avirrà di nessun mali.

accuminciannu di lu santu marti



requie santa a tutti ni cummerti
 c'era na casciteddra in chilla parti
 ca ncùoddru la purtaru du vicchietti
cristu a lu munnu ni vosi la parti
n'cielu n'aspetta ccu li vrazz' apìerti
 beatu cu lu mìercuru diuna
 ca di lu càrmin si dici la storia
sira e matina si rècita la cruna
maria ca si lu scrissi a memoria
 e quannu mùori tu un t'abbannuna
 t'affàccia ccu lu mantu di vittòria.
ora vinimu di lu spìritu santu
di iùovu vinni ddrà santa iurnata
 di lu cielu calàu n'àngilu santu
 diciennu 'vimmaria fu annunziata
d'alligrizza ni rumpier'a chiantu
vidìennu chiddra matri 'ntimirata.
 di venneru murìu nostru signuri
 supr'o lignu di cruci trapindenti
tri chiova fùoru li stremi dulura
la cruna di li spini trapungenti
 feli d'acitu n'appi tri muccuna
 ppi pàtiri cchiù guai e cchiù turmenti
e ppi lu nostru svisceratu amuri
cristu patì li guai e li turmenti.
 lu sabatu è a iurnata d'allegria
 ca tutti stannu ccu la vucca risu
cristu si vota e ddici: "o matri mia
li vostri piccatura m'anu offisu"
 "figgiu tagghiala tu sta prigiunìa
 ca tri cchiova a li manu cci'anu misu"
beatu cu iè devotu di maria
trova lu mìegghiu lùocu 'nparadisu.
 duminica la santa trinitati



ca si fa festa cchiù di giubilà
si alzanu li càlici sagrati
si cala e spinci lu corpu di diu
 tri pirsuni cci sunnu ‘ntrinitati
 unu sulu consisti ca iè dio
cristu l’ha fattu ccu divinitati
trentatré anni caminannu iu
 trentatré anni caminannu iu
 avanti ca lu munnu riscattau.

PRÌZITA SANTA

prìzita santa ‘ngunugghiunu stava
davanti u crucifissu ca chiancia
 la santa passioni cunsiderava
 la cruna di li spini si mittià
ntà na manu a tòrcia addumava
ntà l’atra manu u libru ca liggià
 càdimi cristu a la mia ‘ntinzioni
 rivèlami la santa passioni
u crucifissu chi ci rispunnìa
sùbitu santa prìzita parràu
 ci cunta li flagelli ca patiù
 la passioni sua cci’arrivilàu
prìzita santa di st’arma ni sugnu ‘nnamuratu
ti vuògghiu dari ‘nsoccu t’aiu promisu
 a ccu s’ammena di lu so piccatu
 iò li pirdunu benchè m’anu offisu
e cientu pugna a li lavra m’anu datu
quannu di l’uortu cruciatu offisu
 cientu surdati purtàvanu la mia
 ca milli voti cascàu ppì via
ca milli corpi di spini ‘ncasciati
avanti c’affàccia la stiddra matutina



tannu s'avvicinàrunu sei surdati
unu chi lu battìa ccu na catina

e strittu a na culonna lu ligaru
e tutti li capiddri cci scipparu
ppì chiddra notti ca lu flaggellaru
tri ossa di li spaddri cci niscìeru

un putiennu stari ‘mpiedi cchiù ppi ddrà matina
ca era nìviru cchiù di lu carvuni
ca ppi parrari a so matri mischina
appi triccentuvinti muffuluna

a lu cùoddru cci’anu misu la catina
a pilatu lu purtaru a ggrancicuna
cci mìsiru un mantu di scarlatta fina
pilatu s'affacciàu a lu barcuni

chistu iè ecce homu lassàtilu iri
ca fracellatu assai un po campari
li tiranna, li iudìa, su l'infedeli
di nùovu lu vulìanu crucifissiari

un vasu d'acqua si fici purtari
prìestu li mani si nn'app'a llavari
truvànnusi ‘ndisgràzia pilatu
persi lu stari e ppersi lu sapiri

cintiriuna ccu li sei surdati
di nùovu arrinnuvaru lu martìriu
a gesù lu mìsiru attaccatu
quannu a lu munti calvàriu lu purtaru

ca ia chianciennu la so matri duci
e setti voti ppì la via cascàu
e setti voti ppì la via cascàu
ca iera forti ppì sèntiri la cruci

quannu a li piedi di la cruci stava
la dulurusa afflitta maria



alzava l'ùocchi a lu cielu l'alzava
 “cùomu stai figghiu afflittu” cci dicìa
li chiaghi a unu a unu cci vasava
diciennu “figghiu” l'arma cci niscìa
 un figghiu sulu chi tantu l'amava
 “figghiu, cùomu mi lassi a la stranìa”
chiddru ca l'ùomu la morti miritava
chiddru c'abbrazza l'afflitta maria.
 l'orazioni iè cu la voli diri

